

АКАФИСТ

СВЯТИТЕЛЮ
СПИРИДОНУ,
епископу Тримифунтскому,
чудотворцу



Издательство Московской Патриархии
Русской Православной Церкви
Москва 2018

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС Р18-823-3436

Акафист святителю Спиридону,
А38 **епископу Тримифунтскому, чудотворцу.** — М.: Издательство Московской Патриархии Русской Православной Церкви, 2018. — 64 с.

© Издательство Московской
Патриархии Русской
Православной Церкви, 2018
ISBN 978-5-88017-725-7



АКАФИСТ
СВЯТИТЕЛЮ СПИРИДОНУ,
ЕПИСКОПУ ТРИМИФУНТСКОМУ,
ЧУДОТВОРЦУ

Кондак 1

Шрепрославленный от Господа святителю и чудотворче Спиридоне! Ныне всечестную память твою празднующе, яко много могущему споспешествовати нам о прославльшем тя Христе, умильно вопиём

ти: изба́ви нас от всяких бед и зол, да с благодарением зове́м ти:

Ра́дуйся, Спиридо́не, предивный чудотво́рче.

Икос 1

От юности укра́шенный все́ми добродетельми, житие́м своимъ Ангеломъ подража́вый, ты, святы́телю Спиридо́не, воистину показáлся еси́ другъ Христо́в; мы же, зря́ще тя Небеснаго челове́ка и земна́го а́нгела, со благоговениемъ умíльно вопие́м ти:

Ра́дуйся, уме́, созерца́я тайны Пресвяты́я Трѳицы; ра́дуйся, обогати́выйся Ду́ха пресвѣтлым осия́нием.

Ра́дуйся, свети́льниче много-свѣтлый; ра́дуйся, умъ свой безстра́стиемъ просвети́вый.

Ра́дуйся, измла́да и́стинную простоту́ и безмо́лвие возлюбí-вый; ра́дуйся, украше́ние цело-му́дря.

Ра́дуйся, любве́ неисто́щима́я струе́; ра́дуйся, я́ко страннолю́бию Авраа́ма подража́л еси́.

Ра́дуйся, я́ко всемъ любвеобíльно вхо́ды до́ма свое́го отвержа́л еси́; ра́дуйся, ни́щих предста́телю.

Ра́дуйся, предъ ни́мже благоговѣютъ лю́дие; ра́дуйся, я́ко ты еси́ обита́лище Пресвята́го Ду́ха.

Рáдуйся, Спиридо́не, предив-
ный чудотво́рче.

Конда́к 2

Рáдяще о́стров Кипр и вся хри-
стиа́нская страны́ нетле́нная
мо́щи тво́я, святите́лю, от ни́хже
истека́ют обильная́ исцеления́,
возра́довашася; и мы, почита́ю-
ще тя́ я́ко преобильна́го исто́ч-
ника́ благода́ти, низпо́сланнаго
свы́ше нам, вопие́м к верхо́вному
Подáтелю Небе́сных и земны́х
благ: Аллилу́ия.

И́кос 2

Рáзум божество́нный имы́й,
еще́ сый па́стырь безсловес-

ных ове́ц, ты произво́лением Па-
стырена́чальника Христа́ избра́н
был еси́ в па́стыря ове́ц словес-
ных. Ве́рнии же, разуме́вше тя
до́браго па́стыря, неусы́пно о ста́-
де своём пеку́щагося, воспева́ху:

Рáдуйся, архиере́е Бо́га Вы́ш-
няго, в хирото́нии восприя́вый
обильно́ Божество́нную благо-
да́ть; ра́дуйся, свети́льниче мно-
госве́тлый, горя́й и светя́й.

Рáдуйся, ве́рный де́лателью в
вертогра́де Христо́вом; ра́дуйся,
па́стырю, на па́жити ве́ры и бла-
гоче́стия па́ству свою́ воспита́вый.

Рáдуйся, сия́ньми добродете́-
лей сво́их мир просвеща́вый;

ра́дуйся, Престо́лу Бóжию жéрт-
ву приносíвый.

Ра́дуйся, иерáрше, разумéнием
Правослáвия укра́шенный; ра́-
дуйся, апóстольскаго учéния ис-
пóлненный, вéрных струя́ми спа-
сительнаго учéния напая́й.

Ра́дуйся, я́ко и му́дрых озари́л
еси́; ра́дуйся, я́ко и просты́х серд-
ца́ обновíл еси́.

Ра́дуйся, сла́во правослáвных
и Цéркве непоколебíмое утверж-
дéние; ра́дуйся, укра́шение отцéв,
сла́ва и похвалá иереев благого-
вэйных.

Ра́дуйся, Спиридо́не, предíв-
ный чудотво́рче.

Конда́к 3

Гýлою Вы́шняго, осенíвшею
Гя, святителю Спиридо́не, бо-
гомúдр ты показáлся еси́, и сжав
длáнию глíну, трóичность Ли́ц
всем очевíдно уясни́л еси́; тем-
же лжемúдрии филосóфи, со-
бравшиися на Собóре, ужасóша-
ся, вéрнии же непостижíмага
прослáвиша Бóга, умудрívша-
го тя во спасéние, вопию́ще Ему́:
Аллилу́ия.

И́кос 3

Име́юще тя в помышлéниях
И своих вси отцы́ Собóра про́-
ста, неиску́сна в кни́жном учé-
нии, моли́ша тя, óтче Спиридо́не,

не препира́тися словесы́ с ветією, мнящимся мудр бы́ти. Ты же, святітелю, ре́вностию по Бóзе распала́емый, ве́руя, яко про́повідь Христо́ва не в претельных му́дрости челове́чскія словесех, но в явлéнии дýха и сілы, премúдре того́ обличів, вразуміл и на путь істинный наста́вил есі. Все, відевше чýдо сіе, взыва́ху:

Ра́дуйся, світе правосла́вныя му́дрости; ра́дуйся, яко глаго́лемых бы́ти му́дрых совопрóсников посраміл есі.

Ра́дуйся, истóчнице, благода́тию обі́льный; ра́дуйся, непо-

колебі́мый сто́лпе, твёрдо содер-жа́щий сýщих в ве́ре.

Ра́дуйся, омрача́яй всепа́губную е́ресь; ра́дуйся, чрез него́же попра́но бысть безúмие.

Ра́дуйся, яко персть земна́я пропове́да тво́йма рука́ма Святу́ю Трѳицу; ра́дуйся, яко из гліны извёл есі огонь и во́ду во утвержде́ние догма́та Святы́я Трѳицы.

Ра́дуйся, яко просветіл есі лю́ди сла́вити Сло́во, войстину Единосýщенное Пребезнача́льному Отцý; ра́дуйся, яко змїеву главу́ па́губныя А́риевы е́реси поразіл есі.

Ра́дуйся, яко тобо́ю пожёрта бысть зло́ба; ра́дуйся, невёрнаго

мудреца совопросника к истинней вере обративый.

Радуйся, Спиридоне, предивный чудотворче.

Кондак 4

Жизнь проводя в убожестве и нищете, нищим и бедным был еси питатель и помощник, и любви ради к нищим, змия в злато преложил еси и дал еси оное требующему твоея помощи. Дивящися о чудеси сем, благодарственно вопием к Богу: Аллилуия.

Икос 4

Глышано бысть всем и всюду, яко святитель Спиридон во-

истину есть жилище Святыя Троицы: вселися бо в нем Бог Отец, Бог Слово и Бог Дух Святыи. Сего ради ты словеси и деяньми проповедал еси всем христианом воплощеннаго истиннаго Бога, вопиющим:

Радуйся, словес Божиих тайниче; радуйся, домостроительство Божие о спасении мира уяснивый.

Радуйся, яко научил еси не испытovati, еже есть превыше разума и мудрости человеческия; радуйся, непостижимую действующую в тебе силу Божию явивый.

Ра́дуйся, я́ко уста́ми твои́ми
провещá Сам Бог; ра́дуйся, я́ко
вси послу́шаху тебé в сла́дость.

Ра́дуйся, мглу идолослужéния
разгна́вый; ра́дуйся, я́ко мно́гих
к и́стинней véре привéл еси́.

Ра́дуйся, я́ко главы́ неvíдимых
змиéв поразíл еси́; ра́дуйся, я́ко
тобóю прославля́ется véра хрис-
тиáнская.

Ра́дуйся, я́ко свéтло озаря́еши
всех ублажа́ющих тя; ра́дуйся,
побóрнице христия́нския véры
и Правосла́вия.

Ра́дуйся, Спиридо́не, предíв-
ный чудотво́рче.

Конда́к 5

Божéственнаго Ду́ха преиспол-
нен был еси́, святи́телю Спи-
ридо́не, ра́ди добродéтельна-
го жити́я своегó, занé кро́ток,
ми́лостив, чист се́рдцем, терпе-
ли́в, непамятозлóбив, странно-
любец был еси́; сегó ра́ди Тво-
ре́ц и в чудесéх пресла́вна показá
тя. Мы же, прославля́юще Бо́га,
просла́вльшаго тя, вопи́ем Ему́:
Аллилу́ия.

И́кос 5

Равноа́нгельна Спиридо́на зрим,
вели́каго чудотво́рца. Не́ко-
гда страна́ от бездо́ждия и за́су-
хи вельми́ пострада́: бысть глад

и язва, и многое множество людей умрѡша, молитвами же святителя снѣде с небесѣ на зѣмлю дождь; людие же, избавльшеся от бѣдствія, благодарственно взываху:

Радуйся, великому Пророку Илиї уподобивыйся; радуйся, яко дождь, отъемлющий глад и недуги, благовременно низвел еси.

Радуйся, паки молитвами своими небо заключивый; радуйся, яко немилосердаго купца лишением имения наказал еси.

Радуйся, яко требующим пищу обильно даровал еси; радуйся,

яко любоблагоутрѡбие Бѡга к людем подвижаеши.

Радуйся, вземляй немощи немощных; радуйся, богоблагодатный человеком помощнике.

Радуйся, болящим здравие подавая; радуйся, егѡже трепещут демони.

Радуйся, безчисленных чудес источник.

Радуйся, Спиридѡне, предивный чудотворче.

Кондак 6

Завеса ветхозавѣтной скѣнии закрываше во Святая Святых ковчег, манну и скрижали;

и храм твой, святителю Спиридо́не, имéет ра́ку твою́, я́ко ковчѣг, свѣты́я мо́щи твоѣ, я́ко ма́нну, се́рдце твоё, я́ко скрижа́ли Божѣственныя благода́ти, на ни́хже зрим начертáнную песнь: Аллилу́ия.

И́кос 6

Наро́д Кіпра некогда за умно́жение беззако́ний наказá Господь безпло́дием земли́, егда́ же при́иде к свято́му Спиридо́ну зна́емый земледѣлец, прося́ по́мощи, даде́ ему́ свѣты́й зláто; ми́нувшу же бѣдствию, земледѣлец о́ный возврати́ па́ки зláто, и,

о чудесé! зláто змий бысть. Про́славляюще Бо́га, дѣвнаго во свѣты́х Свои́х, вопи́ем:

Ра́дуйся, я́ко Моисе́ю, чудесно преложи́вшему жезл в зми́я, подража́л еси́; ра́дуйся, человеколю́бивый па́стырю, избавля́яй от бед словесны́я о́вцы ста́да своего́.

Ра́дуйся, обильно́ всех все́ми блага́ми обогаща́яй; ра́дуйся, я́ко Или́я, бѣдных пита́вый.

Ра́дуйся, немилосе́рдых к милосе́рдию обраща́яй; ра́дуйся, достоподража́емый примѣре любве́ для челове́ков, в ми́ре живущих.

Ра́дуйся, ве́рных и неве́рных в бѣда́х утешѣние; ра́дуйся, дре́во

сенноліственное, град и страну
осеняющее.

Рáдуйся, сла́во и похвалó кер-
кíрян; рáдуйся, над вла́гою и
су́шею, знóем и хла́дом благо-
да́тию Бóжиею влады́чествуяй.

Рáдуйся, уста́вы земли мо-
ли́твою пременя́яй; рáдуйся, бу́-
дущая, я́ко настоя́щая, прови́де-
вый.

Рáдуйся, Спиридо́не, предив-
ный чудотво́рче.

Конда́к 7

Ходáтай пред Го́сподем за всех
я́вился еси́, святите́лю Спири-
до́не. Сего́ ра́ди и мы прибега́ем

под кров твой, и́щуще спасе́ния,
все бо помо́щника тебе́ има́мы
во всех ну́ждах, во вре́мя гла́да,
смертоно́сныя язвы и во вся го-
ди́ны бед и искуше́ний. Сего́ ра́ди
благодáрственно вопие́м Бо́гу:
Аллилу́ия.

И́кос 7

Но́вое чу́до ви́дим и боголе́п-
ное: егда́ ты, о́тче, ше́ство-
вал еси́ изба́вити непови́нно осу-
жде́ннаго на смерть, бу́рный
потóк преградí путь тебе́, ты же
и́менем всемо́гущаго Бо́га пове-
лел ему́ ста́ти и прешéл еси́ со
спу́тники чрез ре́ку, я́ко по су́ху.